


TEZAUR LITURGIC

5 AUGUST

SLUJBA SF. MUCENIȚE EVDOCHIA, DARIA I, DARIA II ȘI MARIA DE LA PUZINSK



MINEIUL PE AUGUST
MOSCOVA



**Ме́сяца а́вгуста в 5-й день
и ме́сяца ма́я в 23-й день
Новому́чениц Евдоки́и, Да́рии,
Да́рии и Мари́и Пу́зинских**

НА МА́ЛЕЙ ВЕЧЕ́РНИ

На Го́споди, воззва́х: стихи́ры, глас 1:

Ди́вен Бог во святы́х Свои́х,/ в ро́дах
христиа́нских чуде́йствуяй/ и но́выя
избра́нники Своя́ явля́яй./ Зрим бо уго́дниц
Бо́жиих:/ новому́чениц Евдоки́ю, Да́рию, ину́ю
Да́рию и Мари́ю,/ за Христа́ пострада́вших/ и
дерзнове́ние к Нему́ иму́щих// испроси́ти
душа́м на́шим ве́лию ми́лость.

Венча́лися естé неувяда́емыми венцы́/ от
руки́ Вседержи́теля Бо́га,/ му́ченицы
всехва́льныя,/ зло́бу врага́ терпе́нием и
моли́твою победи́вшия./ Сего́ ра́ди усер́дно вас
мо́лим:/ помози́те нам по́двигом до́брым
подвиза́тися// и ве́ру правосла́вную соблюсти́.

Живу́щия по сме́рти, му́ченицы
прехва́льныя,/ посеща́ете всех, притека́ющих к

мо́щѣмъ ва́шимъ,/ отъ лю́тыхъ страсте́й и бедъ
избавля́ете,/ исцелѣ́ния же моли́твами ва́шими
пода́ете/ и спаса́ете отъ дѣ́монскаго
нахо́ждѣнія,/ прося́ща Бо́га дарова́ти
прегреше́ний прощѣ́ние// чту́щимъ святу́ю
па́мь ва́шу.

А́гницы словѣ́сныя/ лю́тымъ му́камъ пре́даны,
Божѣ́ственною благода́тию укрепі́тесь;/ те́мже,
мучи́телей прещѣ́ния му́жественне
посрамив́ша,// въ Черто́гъ Жениха́ Христа́
внидо́сте, всесла́вныя.

Сла́ва, гласъ 6:

Днесъ наста́ ве́лие торже́ство/ въ землі́
Нижегоро́дстей/ и во всей Цѣ́ркви Ру́сстей,/
прославля́ются бо му́ченицы добропобѣ́дныя,/
житі́емъ чи́стымъ Бо́гу угоди́вшия./ Ны́не же,
Христу́ предстоя́ща,/ мо́лятся о насъ приле́жно,/
любо́вию соверша́ющихъ свѣ́тлое ихъ торже́ство.

И ны́не, предпра́зднства, и́ли Богоро́дичен.

На стихо́вне стихи́ры, гласъ 7:

Ли́къ новособра́нный:/ добропобѣ́дныхъ
Евдоки́ю, Да́рию, Да́рию и Мари́ю,/ му́ченицъ
Госпо́днихъ,/ любо́вию Христо́вою связу́емыхъ,/

пѣсньми восхва́лим, мучениколю́бцев собра́ние,/ /
с ве́рою к ним взыва́юще:/ от вся́кя изба́вите
нас беды́ и ну́жды,/ всечестны́я страда́лицы,//
и моли́тесь о спасе́нии душ на́ших.

Стих: Дивен Бог во святы́х Свои́х,// Бог
Израи́лев.

Всехва́льныя му́ченицы,/ Це́ркве но́вое
утвержде́ние,/ ве́рных похвало́, безбо́жных
посрамле́ние,/ слова́ Спа́сова де́лом
соверши́вша/ и многоразли́чными страда́нии
Ца́рство Бо́жие восхи́тивша,// моли́тесь о
спасе́нии душ на́ших.

Стих: Святы́м, и́же суть на земли́ Его́,//
удиви́ Господь вся хоте́ния Своя́ в них.

По́двигу дре́вних отце́в поревнова́вша/ и
преподобным ма́терем в ве́ре подража́вша,/ /
Христа́ ра́ди подвижа́стесь тве́рдо,/ И́же, укрепи́
немо́щное ва́ше естество́/ и обогати́в дарова́нии
Ду́ха,/ призва́ к му́ченическому по́двигу// во
спасе́ние душ ва́ших.

Сла́ва, глас 8:

Всевы́шний Влады́ко,/ в Тро́ице сла́вимый и
покланя́емый,/ уще́дри ны мо́льба́ми му́чениц,/ /
обагрё́нии кро́вными украси́вшихся,/ пред

мучители дерзновенно Тя исповедавших,/
 Единого Истинного Бога всех, // Иже вчера и
 днесь Тойже, и во веки.

И ныне, предпразднства, или Богородичен.
 Тропарь писан на велицей вечерни.

НА ВЕЛИЦЕЙ ВЕЧЕРНИ

Блажен муж: 1-й антифон.

На Господи, возвах: стихиры на 8, глас 8:

О, преславного чудесе! / Днесь новомученицы
 прославляются / и прелести мрак разгоняется, /
 вера христианская возвышается / и колеблется
 нечестие, / радуются вернии и праздник
 составляют, / вопиюще Христу Богу: //
 мучеников похвала и победа Ты еси, Всесильне.

Велий еси, Господи, и чудна дела Твоя! / Род
 верных ныне торжествует: / новоявленные
 страстотерпицы Евдокия, Дария, Дария и
 Мария, / яже немощными телесы, / силою же
 Всемогущаго Бога укрепляемы, / крепце муки
 претерпеша. / Темже о них Тебе вопием: //
 страдальцев похвала и победа Ты еси,
 Всесильне.

Глас 6:

От юности заповедем Божиим внимала еси,/
 чистоту духовную усердно хранящи,/ и путь
 юродства избрала еси, блаженная мати
 Евдокие,/ в годину же лютую, яко наставница
 мудрая, многия души к Богу обратила еси./
 Ныне, на Небесех в радости непрестанной
 пребываючи,/ / воспеваеши воскресшаго
 Христа.

Прославим днесь другинь верных,/
 приснопамятную Дарию,/ велию подвижницу,
 духом ко Господу пламеневшую,/ и другую
 Дарию,/ молитву Иисусову непрестанно
 творившую/ и псалмы по вся дни
 воспевавшую,/ и Марию смиренную,/ смерть
 безстрашно приемшую./ Сия четыре, женским
 немощным естеством/ полки демонския
 мужески на земли победивша,/ точат исцелений
 струи/ / и укрепляют сердца верных.

Слава, глас 5:

Все мирское отложивша пристрастие,/
 благою же часть избравша,/ матери наша
 Евдокие, Дарие, Дарие и Марије,/ в
 воздержании и молитвах,/ бдении и пощении

усердно подви́зались естѣ/ и сосуди́ чисти́и
Свята́го Ду́ха яви́лись естѣ./ Тѣмже,
неизрече́нных чудес́ дар от Бо́га приѣмша,/
моли́тесь неосла́бно ко Го́споду/ мир дарова́ти
земли́ Ру́сстей// и душа́м на́шим ве́лию ми́лость.

И ны́не, предпра́зднства, или́ Догма́тик.

Вход. Проки́мен дне. И чтѣ́ния три
преподобно́мученическая.

На литии́ стихи́ра хра́ма,и святы́х,глас 6

Все отложи́вша житѣ́йское томле́ние/ и
сла́дость теку́щую презре́вша,/ Крестъ взя́сте, я́ко
и́го Божѣ́ственное,/ и Христу́ послѣ́довасте,/ и к
Небе́сному поко́ю чу́дно всели́стеся./ О
подви́жницы и страда́лицы блаже́нныя,/ за
Христа́ тридне́вная изби́ения и смерть
претерпе́вша,/ прииді́те посреде́ нас
невиди́мо,/ предначина́юща торже́ство и
пе́ние,/ и сподобля́юща даро́в
невещѣ́ственных// ваш пра́здник соверша́ющих
святоле́пно.

Сла́ва, глас 4:

Кто изглаго́лет по́двиги и страда́ния ва́ша,/
ма́тери блаже́нныя Евдоки́е, Да́рие, Да́рие и

Ма́ри́е?/ Кто по досто́яни́ю восхва́лит
по́стни́чество ва́ше и ску́дное жити́е:/ моли́твы
непреста́нныя и удруче́ние те́ла,/ страсте́м
проти́вле́ние и всено́щное стоя́ние,/ и́миже себё
ко испове́данию ве́ры Христо́вы преду́гото́вили
есте́?/ Сего́ ра́ди венцы́ побёдные́ от Спа́са
восприе́мша,/ моли́тесь приле́жно// о ве́роу
чту́щих святу́ю па́мь ва́шу.

И ны́не, предпра́зднства, и́ли Богоро́дичен.

На стихо́вне стихи́ры, глас 4:

Днесь, ве́рнии, стецы́тесь/ и о́бщее торже́ство
соста́вите:/ но́выя бо яви́шася му́ченицы,/
дщери́ преподо́бнаго Серафи́ма нарече́нныя,/
оби́тель Дивее́вскую и доны́не незри́мо
посеща́ющая// и моля́щаяся о спасе́нии душ
на́ших.

Стих: Ди́вен Бог во святы́х Свои́х,// Бог
Израи́лев.

Ве́ры правосла́вныя и́стинныя
храни́тельницы/ и уста́ва церко́внаго усер́дныя
блюсти́тельницы,/ ве́лий глад послуша́ния ра́ди
терпя́ща,/ в телесе́х ва́ших Христа́ просла́вили
есте́,/ му́ченицы Евдоки́е, Да́рие, Да́рие и
Ма́ри́е,/ же́стоко бо мучи́тели у́ды ва́ша

сокруши́ша,/ вы же изби́ения до́блественно
претерпе́вша,/ Бо́га да́же до сме́рти испове́дали
есте́.// Того́ моли́те о спасе́нии душ на́ших.

Стих: В це́рквах благослови́те Бо́га,// Го́спода
от исто́чник Изра́илевых.

С пострада́вшими Христа́ ра́ди,/ на Небесéх
предстоя́щи,/ му́ченице Евдоки́е сла́вная,/ в
со́нном виде́нии скорбя́щей деви́це глаго́лала
еси́:/ плач свой преложи́ на ра́дость,/ моли́тву
Иису́сову в молча́нии твори́ непреста́нно,/ аз бо
посреде́ Иерусали́ма Го́рняго// молю́ся о
спасе́нии душ ва́ших.

Сла́ва, глас 1:

Живу́ща по сме́рти, прехва́льныя,/ посеща́ете
вся, притека́ющия к моще́м ва́шим,/ и от лю́тых
страсте́й всегда́ покрыва́ете,/ и от бед
избавля́ете,/ источа́ете же исцеле́ния/ и
спаса́ете от де́монскаго нахожде́ния,/ прося́ща
Бо́га дарова́ти прегреше́ний прощ́ение//
чту́щим святу́ю па́мять ва́шу.

И ны́не, предпра́зднства, и́ли Богоро́дичен.

Тропа́рь, глас 4:

Ца́рствія ра́ди Небе́снаго/ мир и вся я́же в
ми́ре оста́вили есте́,/ тесно́ту соверше́ннаго
послуша́ния возлюбѣ́вша,/ дѣ́вныя подви́жницы
и Христа́ ра́ди му́ченицы/ в го́дину лю́тых
испытáний в земли́ Нижегородстей
процвѣ́тшия,/ блаже́нныя ма́тери на́ша
Евдоки́е, Да́рие, Да́рие и Мари́е, // моли́теся о
спасе́нии душ на́ших.

НА УТРЕНИ

По 1-м стихослóвию седа́лен, глас 4:

От младе́нства Христу́ себе́ обручи́вши,
му́ченице Евдоки́е,/ посто́м, бде́нием и
непреста́нною моли́твою/ дар прозре́ния и
разсужде́ния духо́внаго стяжа́ла еси́,/ те́мже и
по кончи́не тво́ей по́мощь и утеше́ние
пода́еши // всем, чту́щим честна́я страда́ния
твоя́.

Сла́ва, и ны́не, предпра́зднства, или́
Богоро́дичен, глас то́йже:

Благода́рственно воспева́ти от се́рдца/ и
приле́жно проси́ти Твоя́ ми́лости, Влады́чице,/

раби́ Твои́ собра́шася, зову́ще и глаго́люще:/
Пресвята́я Де́во,/ предвари́ и изба́ви нас от враг
ви́димых и неви́димых и вся́каго преще́ния,//
Ты бо еси́ на́ше заступле́ние.

По 2-м стихослoвии седа́лен, глас 4:

По́двигом жити́я своего́ мученицы Евдоки́я,
Да́рия, Да́рия и Мари́я/ на лю́тую смерть себе́
предугото́виша/ и, триднё́вная изби́ения Христа́
ра́ди претерпе́вша,/ на погoсте уби́ены бы́ша./
На ме́сте же их погребё́ния мно́гая зна́мения
яви́шася,// да утвер́дятся сердца́ в ве́ре
Правосла́вней.

Сла́ва, и ны́не, предпра́зднства, или́
Богоро́дичен, глас то́йже:

Прииди́те, лю́дие,/ ублажи́м Засту́пницу
Усе́рдную ро́да христиа́нского,/ се бо предстои́т
Престо́лу Царя́ Сла́вы/ и со слеза́ми мо́лит о
земне́м уде́ле Своём./ С Не́юже вку́пе и собо́ри
святы́х новомуче́нников вопи́ют немóлно://
Влады́ко Христе́, спаси́ зе́млю Ру́сскую.

Велича́ние:

Велича́ем вас,/ святы́я мученицы Евдоки́е,
Да́рие, Да́рие и Мари́е,/ и чтим честна́я

страдания ваша, / яже за Христа // претерпели есте.

Псалом избранный: Бог нам прибежище и сила:

По полиелеи седален, глас 8:

Удивившася мужеству вашему, страдальцы, / лица ангельстии и православных собори: / како в телеси немощнем женstem страждущия, / безплотныя враги силою Духа победиште? / Темже благодарственно о вас воспевают вси Пресвятую Троицу, // явившую в последние лета мученицы, древним равночестныя.

Слава, и ныне, Богородичен:

Живущим, Господже, рабом Твоим в земной юдоли сей буди Утешительница, / отходящим от мира сего — Покровительница / и стоящим на Судиищи страшнем Заступница явися, // избавляющи осуждения Твоим всемошным предстательством.

Степенна, 1-й антифон 4-го гласа. Прокимен, глас 4: Дивен Бог во святых Своих, // Бог Израилев. Стих: В церквах благословите Бога, Господа от источник Израилевых. Всякое дыхание: Евангелие от Марка, зачало 21.

По 50-м псалмѣ стихіра, глас 6:

Днесь пámять мучениц/ Евдокии, Дáрии,
иныхъ Дáрии и Маріи совершающе,/ досто́йно
сих да ублажим./ Ты́я бо вои́стину, обнища́вша
ду́хом, обогати́шася,/ крѣтки бѣ́вша, зѣмлю
крѣтких наслѣдова́ша,/ пла́кавша, утѣши́шася,
алка́вша пра́вды, насы́тишася,/ ми́ловавша,
поми́лованы бѣ́ша,/ чи́сты бѣ́вша се́рдцем,
Бо́га, я́коже мо́щно, узре́ша,/ миротвори́вша,
Божѣ́ственнаго сподо́бишася сыноположе́ния,
гонимы́ же и мучимы́ пра́вды ра́ди,/ на Небесе́х
ны́не веселя́тся и ра́дуются,/ и приле́жно
мо́лятся Го́сподеви// поми́ловатися ду́шам
на́шим.

Кано́н, глас 8.

Песнь 1

Ирмо́с: Колесницегонителя́ фарао́ня погрузи́/
чудотвори́й иногда́/ Моисе́йский жезл,
крестообра́зно порази́в/ и раздели́в мо́ре,
Израи́ля же беглеца́, пешехо́дца спасе́,// песнь
Бо́гови воспева́юща.

Духо́вный лик соста́вльше, ве́рнии,/ сла́вныя
страстоте́рпицы, я́ко свети́льники Це́ркве,

озаряющія сердца, пѣснями почтѣмъ,/ вѣрою и
любовію память ихъ совершающе.

Восхвалимъ днесь четверицу славную:/
блаженную Евдокию, Дарію, иную Дарію и
Марію,/ подобницъ древнимъ мученикомъ подвиги
и страданіи.

В лѣта, въ няже огонь любви ко Христу угасъ
есть,/ явѣйтесь, мученицы доблія./ Молѣтесь,
да огонь Божественныя любви/ согрѣетъ
охладевающая сердца наша.

Богородичен: Пресвятая Богородице Дѣво,/
Ты дары духовными отъ Пресвятыя Троицы паче
всехъ человекъ преисполнена еси;/ темже,
благодатию Твоею укрепляеми,/ умиленнымъ
сердцемъ милости Твоя прославляемъ.

Песнь 3

Ирмосъ: Небеснаго круга, Верхотворче,
Господи,/ и Церкви Зиждителю,/ Ты мене
утверди въ любви Твоей,/ желаний краю, верныхъ
утверждение, // Едине Человеколюбче.

Дивна есть, Христѣ, держава крепости
Твоея!/ Се бо нынѣшній немощствующій родъ
Крестомъ Твоимъ вооружися/ и силою Твоею
сильнаго злобою древняго врага победи.

Воспои́м вси Евдоки́ю ве́рную,/ от
младѣ́нства крестъ взѣ́мшую, подви́г юро́дства
подъѣ́мшую, му́дрость же духо́вную
стяжа́вшую/ и путе́м а́нгельскаго жити́я
еди́ному Жениху́ Небе́сному уневе́стившуюся.

Кро́тки и незло́бивы бы́вша во всем жити́и
ва́шем,/ послуша́нию во́льно навы́кли есте́,
му́ченицы Да́рие, иная́ Да́рие и Мари́е,/ сего́
ра́ди на Небесе́х обре́ли есте́ поко́й./ Моли́те
Бо́га о душа́х на́ших.

Богоро́дичен: Жизньъ ро́ждшая, Де́во
Всенепо́рочная,/ се́рдца моего́ стру́пы исцели́,/
хода́тайствы Твои́ми, я́же к Сы́ну Твоему́,
Богоблаже́нная.

Конда́к и и́кос предпра́зднства.

Седа́лен святы́м, глас 8:

От трудо́в земны́х и страда́ний многови́дных/
крыла́ми ве́ры во оби́тели Небе́сныя возлете́ли
есте́, ма́тери богоблаже́нныя,/ иде́же Престо́лу
Вседержи́теля предстои́те./ Того́ о нас моли́те/
прегреше́ний оставле́ние дарова́ти и душа́м
на́шим ве́лию ми́лость.

Сла́ва, и ны́не, предпра́зднства, и́ли
Богоро́дичен, глас то́йже:

Милосе́рдия су́щи исто́чник,/ не лиш́и нас
ми́лости Твоея́, Богоро́дице,/ но с му́ченицами, в
земли́ на́шей просия́вшими, Го́спода моли́/
свободи́ти нас от рабо́ты вра́жия/ и утверди́ти
во благо́честии и чистоте́.

Песнь 4

Ирмо́с: Ты моя́ кре́пость, Го́споди,/ Ты моя́ и
си́ла,/ Ты мой Бог, Ты моё ра́дование,/ не
оста́вь не́дра О́тча/ и на́шу нищету́ посети́в./
Тем с проро́ком Авваку́мом зову́ Ти:// си́ле
Твое́й сла́ва, Человеколю́бче.

Во дни и но́щи моли́твы творя́ща,/ ни сна
очи́ма, ни ве́ждома свои́ма дрема́ния не дава́ли
есте́ отню́д,/ хлад и глад во́льно претерпева́юща,
му́ченицы сла́вныя./ Научи́те нас моли́тися
приле́жно.

Ра́дующася, терпе́ли есте́ клеветы́ и
поноше́ния от челове́к/ и разли́чная стреля́ния
вра́жия Христа́ ра́ди, Жениха́ Своего́,/ да любви́
Бо́жия в ми́ре сем грёшнем возсия́ет.

Помы́сливши немощну́ю Евдоки́ю оста́вити,/
деви́ца ю́ная в со́нном видёнии сподо́бися зрёти

преподобнаго Серафима,/ иже Евдокию и
служащих ей нарече дщерьми своими.

Богородичен: Иконою Иверскою не точию
Афон просвещается,/ но и инии гради и веси
освящаются/ и, чудесную помощь приемлюще,/
источник утешения в ней обретают и вопиют:/
радуйся, Благая Вратарнице, двери райския
верным отверзающая.

Песнь 5

Ирмос: Вскую мя отринул еси/ от лица
Твоего, Свете Незаходимый,/ и покрыла мя есть
чуждая тьма, окайннаго,/ но обрати мя и к
свету заповедей Твоих// пути моя направи,
молюся.

Мученице Евдокие преславная,/ доньне
просвещаяши души человеческия Светом
благодати, тебе данная,/ темже и нас, любовью
совершающих всепразднственную память
твою,/ от бед и напастей избави.

Жениха временнаго не восхотевши зрети,
мученице Дарие,/ избиение от сродник
претерпела еси/ и даже до смерти единому
Господу дух горящий возносила еси.

В сѣрдце своём хрѣмину благоуханну
сотвориши,/ и ты, мученице Даріе,/ образ
истиннаго смиренія и совершеннаго терпѣнія
нам явила еси.

Святитель Николай трикраты явися ти,
мученице Маріе славная,/ на подвиг
странничества перьвее благословляя,/ послежде
блаженней Евдокии послужити повелевая.

Богородичен: Радуйся, Приснодево, златая
кадильнице,/ в нюже вложися Небесный
фимиам — Христос,/ облагухая притекающих
к Тебе, Богородице.

Песнь 6

Ирмос: Молитву пролию ко Господу/ и Тому
возвещу печали моя,/ яко зол душа моя
исполнися/ и живот мой аду приближися,/ и
молюся, яко Иона:// от тли, Боже, возведи мя.

Четверочисленный страсотерпиц лик/ нам
возсия от земли Нижегородския,/ яко звезды на
тверди церковней,/ верныя просвещая и
прелести тьму разгоняя.

Болезней неисцельных терпением твердым/
первее победила еси страстей востания,/

последі́, пострада́вши крепча́йше,/ низложи́ла
еси́ злочесті́вых держа́ву, Евдоки́е му́ченице.

Да восхва́лятся ны́не с Евдоки́ею Да́рия, ина́я
Да́рия и Мари́я сла́вныя,/ послуша́нием и
терпе́нием твёрды́м просия́вша,/ Христо́ва
виногра́да ро́зги добропло́дныя.

Богоро́дичен: Помо́щницу си́льну ве́дуще Тя,
Всеблага́я,/ моле́ние Тебе́ прино́сим от всея́
души́:/ вонми́ и услы́ши ны, Влады́чице,/ и
изба́ви всяка́го гне́ва и преще́ния Бо́жия рабы́
Твоя́.

Конда́к, глас 6:

Жити́ем пра́ведным/ к досто́йному прия́тию
му́ченичества себе́ угото́виша,/ тридне́вная
изби́ения и смерть претерпе́ли естé,/ невесты́
Христо́вы преді́вныя,/ блаже́нныя Евдоки́е,
Да́рие, ина́я Да́рие и Мари́е./ Ны́не, мно́гими
чудесы́ и исцеле́нии просия́вша,/ моли́тесь
приле́жно,/ / да спасёт Господь ду́ши на́ша.

И́кос:

Прииді́те, мона́шествующих сосло́вие,/
прииді́те, ве́ры правосла́вныя рачі́телие,/
прииді́те, празднолю́бцы, всяк во́зраст,/
пёсньми духо́вными похва́лим моли́твенницы

на́ша:/ по́стников похва́лу, печа́льных
 утеше́ние,/ недугу́ющих посеще́ние/ и су́щим в
 беда́х ско́рое вспоможе́ние,/ то́чащих всем
 исцелё́ния оби́льно/ и вся́кое проше́ние
 исполня́ющих./ И́мже ве́рно возопи́ем:/
 моли́тесь приле́жно,// да спасёт Госпо́дь ду́ши
 на́ша.

Песнь 7

Ирмо́с: От Иуде́и доше́дше, о́троцы/ в
 Вавило́не иногда́/ ве́рою Тро́ическою пла́мень
 пе́щный попра́ша, пою́ще:// отце́в Бо́же,
 благословён еси́.

Вои́стину побеждён бысть ва́ми враг,/ зе́млю
 и мо́ре хваля́йся низпрове́ргнути,/ тверде́йшим
 адама́нта терпе́нием попра́сте того́,/ Христа́ в
 себе́ иму́ща, непобеди́мая,/ Его́же воспева́ли
 есте́:/ отце́в Бо́же, благословён еси́.

Беззако́ния лю́тая творя́ще,/ подви́жниц
 Христо́вых безбо́жницы тща́хуся уби́ти,/ ико́ны
 же святы́я нога́ми попира́ху,/ оба́че от И́верския
 ико́ны Бо́жия Ма́тере свет возсия́ неизрече́нный
 всем ве́рным, пою́щим:/ отце́в Бо́же,
 благословён еси́.

Тридне́вная изби́ения, поруга́ния, и
 злохуле́ния/ претерпе́ли естѣ́ мужественне,
 страсотѣ́рпицы,/ си́ми бо, я́ко зláто, искуси́ вас
 Господь/ и, я́ко всесожже́ние ту́чно, прия́т./
 Емуже́ и воспева́ли естѣ́:/ отце́в Бо́же,
 благослове́н еси́.

Богоро́дичен: Бо́га Отца́ Дщи яви́лася еси́,
 Мари́е,/ Сы́на же Ма́ти, Присноде́во,/ Невѣ́ста
 же Ду́ха Свята́го, Пречи́стая,/ селе́ние
 Светонача́льная Трои́цы,/ всего́ Божества́ храм
 одушевле́н.

Песнь 8

Ирмо́с: Седмери́цею пещь/ халде́йский
 мучи́тель/ богочести́вым неисто́вно разжже́,/
 си́лою же лу́чшею спасе́ны сия́ ви́дев,/ Творцу́ и
 Изба́вителю вопия́ше:/ о́троцы, благослови́те,/
 священни́цы, воспойте,// лю́дие, превозноси́те
 во вся ве́ки.

Согла́сно, ве́рнии, мучениц Мари́ю, Да́рию,
 иную́ Да́рию с блаже́нною Евдоки́ею воспойм,/
 я́ко низложите́льниц врага́ и невест Христо́вых,
 пою́щих:/ вся дела́ Господня́, Го́спода пойте́ и
 превозноси́те во вся ве́ки.

Святыя Тайны Христо́вы в день кончи́ны
сподо́билися естé прияти от руку́ иере́я
Васи́лия/ и тако, от Го́спода укрепля́емы,
му́жески на смерть потекли́ естé, пою́ща:/ вся
дела́ Госпо́дня, Го́спода пойте и превозносите во
вся ве́ки.

Свы́ше назира́юща на соверша́ющих па́мать
ва́шу, венцено́сицы сла́вныя,/ ходата́йствуйте у
Всевы́шняго Даропода́теля/ вре́менная и ве́чная
благая́ нам, зову́щим:/ вся дела́ Госпо́дня,
Го́спода пойте и превозносите во вся ве́ки.

Богоро́дичен: Я́же Еди́на Невместима́го
прие́мши/ и ро́ждши Бо́га Сло́ва воплоще́на,/
моли́ спасти́ся душа́м на́шим.

Песнь 9

Ирмо́с: Ужасе́ся о сем Не́бо,/ и земли́
удиви́шася концы́,/ я́ко Бог яви́ся челове́ком
плотски/ и чре́во Твое́ бысть пространнейшее
Небе́с./ Тем Тя, Богоро́дицу,// А́нгелов и
челове́к чинонача́лия велича́ют.

Влеко́мы на заколе́ние, мучи́телей вопроша́ху
страстоте́рпицы:/ Христа́ испове́дахом Бо́га и
тем лжу ва́шу обличи́хом,/ за ко́е беззаконе́е без

судá хóщете нас убíти?/ Обáче ны́не слáвныя мученицы во слáве Небéсней сия́ют.

Днесь земля́ Нижегородская ва́шу па́мять пра́зднует:/ вы́ бо яви́стеся столпí и божéственная забра́ла, и утверждéние,/ моли́твенницы и заступни́цы на́ша, богоблаже́нныя.

Триипоста́сный Бо́же наш,/ но́вых мучениц Твои́х прие́мый по́двиги и пресла́вно увенча́вый их,/ тех предста́тельством спаси́ ра́бы Твоя́/ и сподо́би ны вéчно Твою́ держа́ву сла́вити.

Богоро́дичен: Приведи́, Де́во, к Сы́ну Твоему́ но́вых мучениц лик четверочи́сленный/ и с ни́ми помоли́ся,/ я́ко да, несвети́мага огня́ изба́вьшеся,/ сподо́бимся Ца́рствия Небéснаго.

Свети́лен:

Приими́, Го́споди, но́выя мученицы,/ Евдоки́ю блаже́нную, Да́рию, ину́ю Да́рию и Мари́ю,/ я́ко же́ртву соверше́нную, я́ко благово́нный фими́ам, я́ко ми́ро многоце́нное,/ освяща́ющее и просвеща́ющее ду́ши на́ша.

Сла́ва, и ны́не, предпра́зднства, или́
Богоро́дичен:

Воспои́м днесъ хвалы́ Пресвяте́й Мари́и
Де́ве,/ плоть взаимода́вшей Еди́ному от Святы́я
Тро́ицы, от Нея́ челове́ком ро́ждшемуся./ Сего́
ра́ди велича́ем Ю́, я́ко Ма́терь Све́та и
Богоро́дицу.

На хвалі́тех стихі́ры, глас 6:

Прииді́те, мучениколю́бцы вси,/ воспои́м
новому́чениц Христо́вых,/ Евдоки́ю, Да́рию,
ину́ю Да́рию и Мари́ю,/ сия́ бо яви́шася в
последня́я времена́,/ сла́ва и похвала́ Це́ркве
Ру́сския,/ те́плая предста́тельницы на́ша,/
немо́щству́ющих вра́чеве изря́дныя,/ скорбя́щих
утеше́ние,/ / я́же мо́лятся, о е́же спасті́ся нам.

Прииді́те, безплóтных ли́цы,/ во плóти
су́щим, спра́зднуйте нам/ в честне́й па́мяти
страстоте́рпиц:/ сия́ бо, телеса́ нося́ща,/ я́ко
безплóтныя, Христа́ ра́ди подви́зашася/ и лю́тых
мук не убо́яшася./ С ними́же моли́тесь,/ / о е́же
спасті́ся нам.

Прииді́те, ве́рных мно́жества,/ восхва́лим
но́выя му́ченицы и а́гницы словéсныя,/ я́же от
богобо́рных власте́й му́жески му́ки
претерпе́вша,/ те́плая моли́твенницы пред
Го́сподем яви́шася./ Ны́не нас подви́зают к

сла́ве и хва́лени́ю Бо́га,/ укре́пльша́го их
немо́щное естество́/ и обога́тивша́го дарова́нии
Ду́ха, // во спасе́ние душ на́ших.

Сла́ва, глас 8:

Ра́дуйся, пресла́вная Нижегоро́дская землѣ,/
лику́й, о Бо́же торже́ствующи,/ тебѣ́ бо даде́ся
многоце́нное сокрови́ще,/ лик
четверо́численный новому́чениц, обога́тивших
тя,/ Евдоки́и, Да́рии, инѣя Да́рии и Мари́и,/
я́же, предста́ща Престо́лу Влады́чню,/ мо́лятся
дарова́ти ми́рови мир// и душа́м на́шим ве́лию
ми́лость.

И ны́не, предпра́зднства, и́ли Богоро́дичен:
Влады́чице, приими́ моли́твы раб Твои́х/ и
изба́ви нас// от вся́кия ну́жды и печа́ли.

НА ЛИТУРГИИ

Блаже́нны от канона́ предпра́зднства, песнь
3-я, и святы́х, песнь 6-я.

Проки́мен, глас 4: Дивен Бог во святы́х
Свои́х, // Бог Изра́илев.

Стих: В це́рквах благослови́те Бо́га, Го́спода
от исто́чник Изра́илевых.

Апóстол к Коринфяном, зачáло 181.

Аллилу́ия, глас 4: **Терпя́ потерпéх Гóспода, и
вня́т ми и услы́ша моли́тву мою́.**

Ева́нгелие от Ма́рка, зачáло 21.

Прича́стен: **Ра́дуйтесь, пра́веднии, о Гóсподе:**

**[Утверждена Священным Синодом
Русской Православной Церкви 28.12.2017
(журнал № 131).]**

